

People  
plus

NOU PARTI, NOU CALIT  
PLI DETERMINEN KI ZANMEN

# FADER DAN EN SERZWEN

## ZABITAN ENGLISH RIVER WAVEL IN DEGOUT SA ELEKSYON

**W**avel in kennsel en miting yer 3er apremidi kot i ti'n plan pour zwenn sa bann tret Lalyans. I dir la kot narive sakenn fer pour li klerman li in degout sa eleksyon. Seselwa, sirtou zabitan English River met an tet ki Wavel in fini les tonbe. I pe al zis kontinyen zwe rol pandan sa detrwà zour ki reste aköz i napa swa apre i pa oule kanmi. Kot in al mal? Eski laverite in tro bokou?

**LAVI WAVEL IN VIN  
EN TELENOVELA**

I ti'n met plizyer bann aktivis ansyen

SNP lo tapi pour fer plezir Pat Pillay ek Lalyans Seselwa, la ozordi, sa bann dimoun pe sabotaz son kanpanny. Labous kankan Pat Pillay avek son bann alye dan Lalyans Seselwa ki klerman in pas tou zot letan zis mal-parl e trai Wavel, pe fer Wavel vin lobze en bann skandal ki tou dimoun pe koz lo la e pe riy li.

Menm si i pou fer miting apre miting ek zansla, fizi in fini pete bal in ale. La Wavel i parey en gran boufon ki pou bezwen zis kontinyen bat latet son siporter pour fer krwar napa divizyon ant bann liderz kan saler son disan pe bwi ek lakoler kont Pat Pillay ek bann ki sorti dan Lalyans ki pe met tou son

laverite o kler e pe fer zabitan English River pli pa oule li. Ler son PPB i pase lo televizyon Seselwa pa tande ki i pe rabase zot pe koz lo li ek Claudette e tou sa traizon Pat Pillay.

Doyace Poris in fer kler ki zot pa oule Wavel e ki in ganny malediksyon. Zabitan English River pe demande si Wavel i oule anmenn sa malediksyon se zot. E li Wavel in dapre konpran anvoy en mesaz byen kler pour Doyace ki i pou bezwen desann lo streets aköz i pa pou donn li en sou pour kanpanny avek. E manyer nou konpran, tou Lalyans pou depay zot prop difil. Sanmenmsa ki apel telenovela Wavel!

# I'N LES TONBE SNP POUR FER PLEZIR EN TRET

**W**avel in les tonbe SNP pour fer plezir bann tret dan Lalyans e la pli move bann aktivis ansyen SNP pe vir lo li plis ki zanmen.

Zot dir zanmen Wavel in en bon stratezis ; i pran en bann desizyon ki ranvers lo zot apre. Zis parey i ti akiz Prezidan ek Parti Lepep apre eleksyon Desanm, me apre Lakour in war limenm li Wavel koupab pour frod. I'n kit ater bann aktivis ansyen SNP ki'n toutan lwayal pour donn sit dan Lasanble bann dimoun Lalyans, e menm ranplas paviyon ek kouler SNP

avek sa ki pou LDS, la ozordi pe ganny prouve an piblik ki sa bann sef dan Lalyans ti en bann tret ki ti zis pe servi Wavel apre ti pou savir li akoz zot pa'n zanmen war Wavel koman en lider ni annan potansyel vin en prezidan.

Sa brit, sa arogan parey zot in dekrir li, pe ganny savire, son karyer politik pe fini akoz Pat Pillay ek son tim. Olye kit politik avek lafyerte, Wavel pe termin son karyer politik, byensir apre sa bate bef ki i pou gannyen le 10 Septanm, dan laont e imiliasyon. I en gran 'Loser'.



## DE POLITISYEN PE GAT LIMAZ LEGLIZ ANGLIKANN

**W**avel Ramkalawan ek Pat Pillay tou le de zot koz labous plen lo zot lafwa e lwayote anver Legliz Anglikann. Selman, dan lizye piblik zot pe pil lo zot prosen. Pat Pillay ek Lalyans ki ti vin avek sa san-

son ki ozordi pe anmenn vyolans ek divizyon dan nou pei. Wavel in adopte sa sanson li osi e ansanm zot pe kree divizyon dan kominote ant vwazen, zanmi ek zanmi, koleg travay e menm dan fanmiy. La

zot pe vir lo kanmarad, Pat Pillay pe montre traizon- byen kri, byen vilenn dan tou son splander. Anmenmtan ki i prouve ki Wavel pa'n zanmen en bon dimoun.